



FUNDARGERÐ SVEITARSTJÓRNAR

Miðvikudaginn 4. september 2013 var fundur haldinn í sveitarstjórn Skagastrandar kl 8⁰⁰ á skrifstofu sveitarfélagsins.

Á fundinn voru mætt: Adolf H. Berndsen, Halldór G. Ólafsson, Péturína L. Jakobsdóttir, Jensína Lýðsdóttir, Jón Ólafur Sigurjónsson og Magnús B. Jónsson. Hildur Ingólfssdóttir, skólastjóri sat fundinn undir dagskrárlíð 1.

Adolf H. Berndsen oddviti setti fundinn og stjórnaði honum.

1. Fræðslumál:

a. Fundargerð fræðslunefndar

Fyrir fundinum lá fundargerð fræðslunefndar 1. júlí 2013. Sveitarstjórn staðfesti eftirfarandi ákvarðanir fræðslunefndar:

- 1, b) Skóladagatal, - að kennsla hefjist 23. ágúst og ljúki 20. maí og sé 175 dagar.
- 2, b) Dvalartímatilboð, - að boðið verði upp á dvöl frá kl 9 að morgni í leikskólanum.

Sveitarstjórn gerði breytingu á niðurstöðu fræðslunefndar sem bókað er undir 1, a) Kennslukvóti, - að kennslukvóti skólaárið 2013-2014 verði 330 kennslustundir. Samþykkt að kennslukvóti verði 310 kest. Ákvörðunin er byggð á þeirri reynslu sem varð við gerð stundarskrár í skólanum.

Sveitarstjórn frestaði afgreiðslu á lið 2, c) Aldursmörk í dvöl, - að leikskólinn geti tekið börn í dvöl frá 9 mánaða aldri og óskaði eftir kostnaðarmati á áhrifum þeirrar breytingar þar sem ekki hafi verið gert ráð fyrir hugsanlegum kostnaðarauka í fjárhagsáætlun.

b. Fundargerð nefndar um grunn og leikskóla

Fyrir fundinum lá minnisblað um fund nefndarinnar frá 27. ágúst 2013. Oddviti fór yfir helstu mál sem þar voru til umfjöllunar. Ekki voru gerðar athugasemdir við minnisblaðið eða það sem þar kom fram.

c. Grunnskólinn – skólaárið 2013-2014

Hildur Ingólfssdóttir, skólastjóri gerði grein fyrir helstu atriðum í mannráðningum fyrir skólaárið og fyrirkomulagi kennslu þar sem samkenntla hefur verið aukin verulega. Hún gerði grein fyrir að ekki sé starfandi aðstoðarskólastjóri vegna aðstæðna sem upp komu á síðustu dögum áður en skólastarf hófst. Umræður urðu um skólastarfið almennt. Fram kom að skólastarf hafi farið vel af stað og lét skólastjóri vel af samstarfi innan skólans.



- d. Trúnaðarmál bókað í trúnaðarbók.

2. Hitaveita

- a. Staða hitaveitulagna

Fyrir fundinum lá minnisblað sveitarstjóra þar sem m.a. kemur fram að lagningu dreifikerfis innan Skagastrandar er að verða lokið og gert ráð fyrir að öll rör verði komin í jörð og hús tengd eftir í byrjun september. Reiknað er með að mest öllum frágangi verktaka verði lokið um miðjan september.

Stofnlögnin er komin að Hafurstöðum. Lagning gengur almennt vel og stefnt að því að stofnþípan verði komin alla leið um 20. september.

Dæluhúsin við Laxá og á Skagaströnd eru tilbúin til að setja í þau þann búnað sem þarf. Gert er ráð fyrir að dæluhús verði tengd og frágengin til notkunar um miðjan október n.k. Samkvæmt upplýsingum frá RARIK er gert ráð fyrir að þá verði vatni hleypt á og fyrstu húsin geti fengið hitaveitu.

- b. Undirbúningur eigna sveitarfélagsins

Fyrir fundinum lá samantekt um þann kostnað sem sveitarfélagið hefur lagt í breytingu á eignum vegna hitaveituvæðingar og samantekt um kostnað við tengigjöld. Sveitarstjórn ræddi fyrirbyggjandi gögn.

3. Bréf Innanríkisráðuneytisins dags. 31. júlí 2013

Í bréfinu kemur fram uppgjör á framlagi vegna lækkaðra fasteignaskattstekna 2013. Miðað er við þá fjármuni sem sjóðurinn hefur til ráðstöfunar og úthlutað framlag til sveitarfélagsins verði 16.865.972 kr. en í fjárhagsáætlun sveitarfélagsins er gert ráð fyrir 17.731.000 kr.

Bréfið var til kynningar.

4. Fundargerðir:

- a. Hafnarnefndar, 26.06.2013

Sveitarstjórn staðfesti lið 2. í fundargerðinni: Útboð – lenging Miðgarðs harðviðarbryggja. Í umræðu um málið kom fram að eftir útboð og samninga við verktaka hafi verið ákveðið að verklok verði í lok maí 2014.

Fundargerðin var að öðru leyti til kynningar.

- b. Stjórnar Félags og skólaþjónustu, 25.06.2013

Fundargerðin var til kynningar.



- c. Stjórnar Norðurár bs., 21.03.2013

Fundargerðin var til kynningar.

- d. Stjórnar Norðurár bs., 4.07.2013

Fundargerðin var til kynningar.

- e. Stjórnar Byggðasamlags um menningu og atv.mál, 13.05.2013

Fundargerðin var til kynningar.

- f. Heilbrigðisnefndar Nl. vestra, 2.07.2013

Fundargerðin var til kynningar.

- g. Stjórnar Sambands ísl. sveitarfélaga, 28.06.2013

Fundargerðin var til kynningar.

- h. Stjórnar Samtaka sjávarútvegssveitarfélaga, 2.07.2013

Fundargerðin var til kynningar.

5. Önnur mál

Svohljóðandi bókun var lögð fram og kynnt:

Í ljósi þess að atvinnuframboð á Skagaströnd er með einhæfasta móti og fá störf í boði fyrir t.d. háskólamenntað fólk tel ég nauðsynlegt að Sveitarfélagið Skagaströnd komi að uppbyggingu aukins atvinnulífs á staðnum með einum eða öðrum hætti.

Mín hugmynd er sú að efnt verði til samkeppni um sprotafyrirtæki á Skagaströnd. Reglur keppinnar yður nánar útfærðar í samráði við fagaðila en grunnreglurnar yrðu þannig að fyrirtækið yrði staðsett á Skagaströnd og í eigu heimamanns/manna.

Einnig tel ég brýnt að halda áfram því starfi að kynna Skagaströnd sem ákjósanlegan stað til þess að hefja fyrirtækjarekstur á.

Jón Ólafur Sigurjónsson

Fleira ekki tekið fyrir fundi slitið kl. 12.00

Adolf H. Berndsen,

Halldór G. Ólafsson,

Péturína L. Jakobsdóttir

Jensína Lýðsdóttir,

Jón Ólafur Sigurjónsson

Magnús B. Jónsson